

मुख्यमंत्री उमर अब्दुल्ला हुंदी प्रधानता आली मंत्री परिषद ने श्रीनगर दे अच्छन थाहर ठोस कचरे दे प्रबंधन आली इक संगठित परियोजना दी स्थापना लेई मंजूरी देई दिती ऐ। एहदे निर्माण पर अंदाजन कोई 361 करोड़ रपे खर्च कीते जाडन। मंत्री परिषद दी 6मीं बैठका दरान लैते गेदे इस फैसले दा मकसद श्रीनगर च कचरे दे साईसी ढंग्गै नै प्रबंधन आले ढांचे गी तगड़ा बनाना ऐ। इस परियोजना तैहत हर रोज 800 टन कचरे दा साईसी ढंग्गै सिर निपटारा कीता जाहग। एह परियोजना मुंसिपल ठोस कचरे गी किट्ठा करने- गिल्ले ते सुक्के कचरे गी बक्ख करने ते उनें'गी खपाने लेई भलेआं अज्जै-कल्लै दिएं प्रणालिएं दा इस्तेमाल करोग।



LG -IAS Officers

लेफ्टिनेंट गवर्नर मनोज सिन्हा होरें जम्मू-कश्मीर च सिखलाई हासल करा'रदे 2025 बैच दे 6 IAS सखेतरु अधिकारिएं कन्नै कल लोकभवन च गल्लबात कीती। इनें युवा अधिकारिएं महत्वपूर्ण पैहलकदमिएं जिआं ब्लाक दिवस ते नशामुक्त जम्मू-कश्मीर अभियान बारे अपने तजुर्बे ते बचार सांझे कीते। एल.जी होरें उनें'गी आखेआ जे एह अपने कम्ममें दरान आम बसनीकें गी सब्भनें शा अग्गे रक्खदे होई राश्ट्र दे विकास च टकोहदा जोगदान देन। सिन्हा होरें इनें अफसरें गी सिविल सेवा च शानदार भविक्ख लेई शुभकामनां बी दितियां। इनें अधिकारिएं च एल्फ्रेड थॉमस- रुचिका झां- निधि- मोहम्मद हारिस मीर- शगुन सिंह ते जीतेन्द्र कुमार शामिल हे।



JK Inland Water Transport

जम्मू-कश्मीर च बड़ी तौले पानी सरबंधी ट्रांस्पोर्ट आली सेवा शुरु होई सकदी ऐ ते एहदे लेई भारत दे अंतरदेशीय जलमार्ग प्राधिकरण दे सहयोग कन्नै दरेया चिनाब- झेहलम ते रावी पर बड्डी ढांचागत परियोजनाएं गी तोढ़ चाढ़ेया जा'रदा ऐ। मुख सचिव अटल डुल्लु होरें इस परियोजना पर हासल प्रगति दी समीक्षा कीती ते सरबंधत विभागें गी निर्देश दिते न जे ओह जैटिएं- घाट- कॉरिडोर ते बत दस्सनें आली Navigational सुविधाएं गी बेल्ले सिर शुरु करना जकीनी बनान। दरेया चिनाब च क्रूज सैलसफा ढांचा विकसित करने दी योजना तैहत रियासी थमां अखनूर किले धोड़ी 9 किलोमीटर दे हिस्से पर कम्म कीता जा'रदा ऐ। इत्थे दंऊ ऐसे घाट बनाने दी मंजूरी देई दिती गेदी-जित्थे किशियां आइयै रुकी सकदियां न- जां उनें'गी बन्नियै रक्खेया जाई सकदा ऐ ते मेद ऐ जे एह कम्म औंदी जुलाई म्हीने तोड़ी सबूरा होई जाहग। इस्से चाल्ली झेहलम दरेया पर पन्था चौक थमां वुल्लर झील धोड़ी 76 किलोमीटर लम्मे Cruise Corridor पर बी कम्म चला करदा ऐ।



Mongri Mela (Dispatch)

त्रंऊ दिनें दा सलाना “मौंगरी मेला”- जिसी “शिव-पार्वरी मेला” बी आखेआ जंदा ऐ अज्जै थमां उधमपुर जिले दे सर-दब्बड़ च शुरु होआ रदा ऐ। इस ऐतिहासिक मेले गी बवस्थित ढंग्गै सिर आयोजित करने लेई जिला प्रशासन नै लोइचदे सब्भै बंदोबस्त करी रक्खे दे न। हर बरे जेठ महीने दे पैहले त्रै दिनें दारन होने आहले इस मेले च समूलचे जम्मू-कश्मीर च होरनें खिते थमां बी ज्हारां बद्दे श्रद्धालु ते सैलानी हिस्सा लेंदे न।



Akashwani 90 Years (Byte)

बेमिसाल प्रसारण दे 90 बरे पूरे होने दे सरबंथै च आकाशवाणी आसेया करोड़ें-बददे लोकें कन्नै जुड़ने ते उनें'गी जानकार बनाने दी अपनी इस शानदार जातरा दा जश्न मनाया जा'रदा ऐ। केन्द्री मंत्री किरें रिजिजू हों अपनियां शुभकामनां दिंदे होई संस्कृति- शिक्षा ते सार्वजनिक जागरूकता गी बढ़ावा देने च आकाशवाणी दे जतनें दी सराहना कीती ऐ। जानकारिएं कन्नै भरोचे दे दिलचस्प कार्यक्रमें राहें राष्ट्र-निर्माण च जोगदान ताई मंत्री हों आकाशवाणी दे मलाजमें दी बी सिफ्त कीती ऐ।

<><><><><><>

JK Boxer (Byte)

जम्मू-कश्मीर लेई इक गौरवपूर्ण पल च राजौरी दे युवा मुक्केबाज मोहम्मद यासर ने उज्बेकिस्तान दे ताशकंद च अंडर-15 एशियाई मुक्केबाजी चैम्पियनशिप -2026 च सुन्ने दा तगमा जित्तियै इतिहास रची दिता ऐ। खेलो इंडिया बॉक्सिंग सेंटर- राजौरी च इक सखेतरु यासर ने 58 किलोग्राम भार वर्ग च अपने मुखालिफ उज्बेकिस्तान दे अब्दुल्लोह करीमजोनोव गी रहाइयै सुन्ने दा तगमा अपने नां कीता। इस ऐतिहासिक उपलब्धि दे कन्नै यासर कुसै महाद्वीपीय चैम्पियनशिप दा फाईनल जितने आहले जम्मू-कश्मीर दे पैहले मुक्केबाज बनी गे न। जम्मू-कश्मीर खेड्ड परिशद ने इस ऐतिहासिक उपलब्धि लेई यासर गी मुबारकबाद दिती ऐ। यासर दी यादगार कामयाबी भारतीय मुक्केबाजी च बधती प्रतिभा गी उजागर करदी ऐ ते समूलचे जम्मू-कश्मीर दे युवा खड्डारियें गी अंतराष्ट्रीय मंच पर अपनी प्रतिभा दस्सने लेई प्रेरित करदी ऐ। आकाशवाणी समाचार कन्नै गल्लबात करदे होई यासर दे भास ने अपनी खुशी जाहिर करदे होई आखेआ

<><><><><><>

Div. Com Kathua

जम्मू दे डिवीजनल कमिशनर रमेश कुमार होंरें कठुआ जिले दा दौरा लाइयै बड्डी ढांचागत परियोजनाएं दा मुआयना कीता। उ'नें “नशा मुक्त जम्मू-कश्मीर” अभियान दी अमलावरी दी समीक्षा कीती ते औंदी श्री अमरनाथ जी दी यात्रा लेई कीते गेदे इंतजामें दा बी जायजा लैने लेई इक बैठक दी अध्यक्षता कीती। दौरे दरान डिवीजनल कमिशनर होंरें दिल्ली-अमृतसर- कटरा एक्सप्रेस-वे पर कम्में दी प्रगति दा जायजा लैता ते बक्ख-बक्ख हिस्सैं च निर्माण दी रफ्तार दा बी जायजा लैता। उ'नें इस प्रतिष्ठित परियोजना गी समें-सिर सबूरा करने लेई तयार कीते जाने आहले रोडमैच दे बारे च सरबंधत अफसरें ते कम्म करने आहली एजेंसिएं कन्नै तफसीली चर्चा कीती ते समें-सीमा दा पालन यकीनी बनाने दे कन्नो-कन्नी म्यार दे मानकें गी बनाई रक्खने दी जरूरतें पर जोर पाया।



UDH Deer (Byte)

जम्मू-कश्मीर दे वन्य जीव संरक्षण विभाग नै उधमपुर दे टांडे रक्ख हिरण बचाव पार्क च गर्मी कन्नै निब्बड़ने ते हिरणें गी एहदे थमां बचाने आस्तै खास उपास कीते न। साढ़े जिला संवाददाता नै जानकारी दिती ऐ जे मौजूदा समे च इस पार्क च 41 चित्रीदार हिरण ते 4 भौंकने आहले हिरण ऐन- जिनें'गी 24 घंटें पानी दी सप्लाई दे कन्नो-कन्नी सैल्ला चारा- तरबूज- खीरा ते राई-बाई आहले चारे सनें सावधानी कन्नै बनाई गेदी खुराक दिती जा'रदी ऐ। आसे-पासे गी ठंडा रक्खने आस्तै शेडें च नियमित रूप कन्नै पानी दा छिड़काव कीता जंदा ऐ। डंगरें दे डाक्टर उन्दी भलाई-बेहतरी दी निगरानी करने लेई हफतावर सेहत जांच बी करा'रदे न। इस बारे होंर मती जानकारी दिंदे होई वन्य जीव रेंज अधिकारी- महेश अबरोल होंरें आखेआ



Weather

मौसम विभाग ने अज्ज जम्मू-कश्मीर च केई थाहरें पर खासकरियै दपैहरी जां संजा'लै इक जां दंऊ बारी हलकी बरखा बरने ते गरज-चमक दी भविक्खवानी कीती ऐ। ऊआं 16 थमां 18 मई तोड़ी मौसम आमतौर पर खुश्क बने दा रौहग जिसले- के 19 ते 20 मई गी किश थाहरें पर फही हौली बरखा बरी सकदी ऐ।

